



АКАФИСТ
СВЯТОЙ БЛАЖЕННОЙ
ВО ХРИСТЕ
КСЕНИИ
ПЕТЕРБУРГСКОЙ



Сборник

**Акафист святой блаженной во
Христе Ксении Петербургской**

«Сибирская Благовонница»

2014

УДК 243
ББК 86.372

Сборник

Акафист святой блаженной во Христе Ксении Петербургской /
Сборник — «Сибирская Благовонница», 2014

Уча людей правдивости, блаженная Ксения нередко открывала и тайны тех лиц, которых она навещала. Милость Божия так осеняла Ксению, что даже те, к кому она заходила или у кого вкушала пищу, были счастливы и успешны в делах. И торговцы, и извозчики, все старались ей чем-нибудь услужить; особенное благополучие посещало тех, кому сама блаженная Ксения давала что-либо. На семьдесят первом году земной жизни она почилася праведницы. Тело ее было погребено на Смоленском кладбище. И много знамений милости Божией начало совершаться у ее гроба.

УДК 243
ББК 86.372

© Сборник, 2014
© Сибирская Благовонница, 2014

Акафист святой блаженной во Христе Ксении Петербургской



*Рекомендовано к публикации Издательским Советом Русской Православной Церкви
ИС 13-316-2311*

Акафист святой блаженной во Христе Ксении Петербургской одобрен Священным Синодом 20 октября 1992 года.



Кондак 1

Возбранная угóднице Христова, святáя блаженна́я Ксе́ние, хвале́бное пѣние ти прино́сим, чту́ще терпе́ние твоѐ и злострада́ние вольное; ты же, иму́щи дерзнове́ние ко Го́споду, во вся́ких беда́х и напа́stech заступа́й нас, грѣшных, взыва́ющих к тебе́:

Ра́дуйся, Ксе́ние блаженна́я, моли́твеннице о душа́х на́ших.

Икос 1

Равноа́нгельски на земли́ пожила́ еси́, блаженна́я ма́ти, по успе́нии му́жа твоего́, без пригото́вления христиа́нского внеза́пу сконча́вшагося, отве́ргла еси́ жизнь ми́рскую, моля́щи Бо́га супру́га твоего́ ду́шу поми́ловати, по́двиг ю́родства на себѣ прия́вши, стяжа́ла еси́ соверше́нство духо́вное. То́го ра́ди услы́ши от нас похвалы́ сия́, тебе́ возноси́мая:

Ра́дуйся, Христо́ва угóдница, в ми́ре надми́рно поживша́я; ра́дуйся вся прило́ги ми́ра, плóти и диа́вола победи́вшая.

Ра́дуйся, нищету́ вольную́ на всю жизнь избра́вшая; ра́дуйся, сокрóвище на Небеси́ имѣти возжела́вшая.

Ра́дуйся, жити́ем твои́м Андре́ю, Христа́ ра́ди ю́родивому, ра́вная; ра́дуйся, от всех люде́й правосла́вных любима́я и сла́вимая.

Ра́дуйся, о часѣ́ сме́ртнем по́мнити нас призыва́ющая; ра́дуйся, бли́жняго ду́шу па́че ми́ра себѣ люби́ти нас науча́ющая.

Ра́дуйся, Ксе́ние блаженна́я, моли́твеннице о душа́х на́ших.

Кондак 2

Ви́дяще страна́ное жити́е твоѐ, блаженна́я, я́ко во цве́те мла́дости твоея́ во оде́жду му́жа твоего́ усóбшаго облекла́ся еси́, и́менем его́ нарекла́ся еси́, себѣ уме́ршую бы́ти глаго́лющи,

дом же твой и вся благая земная оставивши, скиталицу себе сотворила еси, сродницы твой безумную ты быти мняху, людие же боголюбивии воспеша: Аллилуиа.

Икос 2

Разум, от Бога ти дарованный, в безумии мнимом сокрыла еси, блаженная Ксении; в суете же града великаго, аки пустыница, пребывала еси, молитвы своя к Богу возносящи непрестанно. Мы же, дивящися житию твоему, воспеваем ти сие:

Радуйся, крест тяжкий юродства, от Бога ти данный, на рамо свое приявшая; радуйся, мнимым безумием сияние благодати сокрывшая.

Радуйся, именем мужским нарекшися, немощи женския отрешившаяся; радуйся, печали и скорби кратце терпевшая.

Радуйся, все имение твое бедным людем раздавшая; радуйся, жилище Духу Святому в сердце твоём уготовившая.

Радуйся, всем прибегающим к тебе благое утешение; радуйся, от смерти внезапная избавление.

Радуйся, Ксении блаженная, молитвеннице о душах наших.

Кондак 3

Силою, свыше ти дарованною, благодатию и мужеством, зной и стужу лютую претерпевала еси, всеночно молящися и поклоны творящи; темже и прославлена бысть святость твоя, блаженная Ксении, во Отечестве нашем многострадальнем и во всем мире православнем, да зовем с тобою Богу: Аллилуиа.

Икос 3

Имела еси, о матери блаженная, небо покров и землю ложе свое, о теле, во одежду ветхую облеченном, небрегла еси, молитвы же к Богу пламенно возносила еси, себ ради воспеваем ти сие:

Радуйся, век твой земный без крова проведшая; радуйся, Небеснаго крова взыскавшая и того улучившая.

Радуйся, по вся дни нощию в поли молившаяся; радуйся, поклоны земные на вся страны света тамо творившая.

Радуйся, град Петров всеночным бдением от бед ограждавшая; радуйся, гнев Божий от него многажды отвращавшая.

Радуйся, благодатию Духа Святаго чудесно согреваемая; радуйся, хлад любый душ наших молитвою твоею растаявающая.

Радуйся, Ксении блаженная, молитвеннице о душах наших.

Кондак 4

Бурю житейскую, во граде Петрове мятущуюся, кротостию и незлобием препобеждала еси, матери блаженная, безстрастие же посреде мира суетнаго стяжала еси и тако, Духом Святым просвещаемая, зывала еси Подателю тишины сердечныя Богу: Аллилуиа.

Икос 4

Слы́шаша лю́дие дар прозрѣния чюдный, тобою явленнѣй, святая́ ма́ти, и удиви́шася. Се, же́не не́коей рекла́ еси́: возми́ пята́к, зде́ царь на конѣ́, поту́хнет. Та же не ве́даючи, я́ко ты запале́ние до́ма ея́ прозрѣла́ еси́, притече́ во своя́ си и узри́ дом свой во огни́ горящ, и а́бие по моли́тве твое́й пла́мень огня́ угасе́. Мно́зи же стра́ждущии к по́мощи твое́й прибега́ху, ю́же стяжа́вше, та́ко зыва́ша ти:

Ра́дуйся, дар прозрѣния смире́нием кра́йним стяжа́вшая; ра́дуйся, дар сей на по́льзу и спасе́ние стра́ждущим явля́вшая.

Ра́дуйся, свеще́ негаси́мая, к Бо́гу в моли́твах горѣвшая; ра́дуйся, ве́рою твое́ю пла́менною запале́ние до́мов угаша́вшая.

Ра́дуйся, гряду́щая ско́рби людскія́, а́ки настоя́щая, зрѣвшая; ра́дуйся, врач безме́здный и милосе́рдый лю́дем бы́вшая.

Ра́дуйся, я́ко и нас, немощнѣ́х в ве́ре, укрепля́еши; ра́дуйся, я́ко сия́нием свѣ́тости твое́я лю́ди правосла́вныя озаря́еши.

Ра́дуйся, Ксе́ние блаже́нная, моли́твеннице о душа́х на́ших.

Кондак 5

Боготѣ́чная звезда́ яви́ся свѣ́тость твоя́ на твѣрди гра́да Петро́ва, уго́днице Бо́жия, заре́ю свое́ю сердца́ просвеща́ющая: уже́ бо лю́дем, в безу́мии греха́ погиба́ющим, путь спасе́ния указа́ла еси́, к покая́нию их наставля́ющи, во́еже вопи́ти Бо́гу: Аллилу́иа.

Икос 5

Ви́дяще по́двиги твоя́ моли́твенныя, терпе́ние хла́да и зно́я вели́кое, лю́дие осла́бити жела́ху злострада́ния твоя́; ты же оде́жду и вся, и́ми приноси́мая, ни́щим раздава́ла еси́, нищету́ свою́, а́ки сокро́вище, храня́щи. Сего́ ра́ди слы́шиши от нас сицевая́:

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.